

UN

POCO

DI TUR COS

Jossy M. Mansur

R. Escandon: "Mustrami un mucha cu caracter y mi lo indica na bo un futuro lider".

E montaña bao lamar mas halto conoci ta esun descubri na año 1953 cerca di e fosa di Tonga, entre Samoa y Nueva Zelanda. E montaña tin un elevacion di 8690 meter ariba e fondo di lamar y su top ta situa na 365 meter bao e superficie di lamar.

Bo tabata sa cu e Aztecanan tabata kere cu Solo tabata muri cada anochi y tabata tin mester di sanger humano pa dune forza pa e por bolbe sali e dia siguiente? Asina nan a sacrifica 15,000 persona pa año na nan temeroso dios di solo Huitzlopochtli. Mayoria di e victimanan tabata prisioneronan tuma den guerra, cualnan hopi biaha tabata ser libra djis pa recoge victimanan pa e sacrificio.

E golfo mas grandi di mundo ta e Golfo di Mexico, cu un area di 1.500.000 kilometer cuadra y un longitud di costa di 4990 kilometer. E ta extende di Cabo Sable, na Florida, Merca, te Cabo Catoche, Mexico.

Proverbio Aleman: Novia yoroso, esposa sonriente; novia sonriente, esposa yoroso.

Bo tabata sa cu tin un mata cu e indiannan tabata usa pa cura dolor di diente? Ta trata di e casca di e "Prickly Ash", cu tabata ser mastica pa e indiannan Americano como un remedi pa dolor di diente!

Art Rose Trophy ta e premio anual cu ta ser presenta na e top scorer di National Hockey League. El a ser otorga pa prome biaha na año 1949, na Roy Conachedr.

Proverbio Polaco: Un muher ta yora prome cu matrimonio; e homber despues.

"As the World Turns" ta e novela cu Walter Cronkite a interumpi pa anuncia cu Presidente Kennedy a ser tira na Dallas, Texas, dia 22 di November 1963.

Earl Averill ta e hungador di Cleveland Indians cu na año 1937 a dal un line drive ariba e pitcher Dizzy Dean, kibrando e dede grandi di su pia robz. Su yiu, Earl Jr. tambe a hunga den major league baseball entre añanan 1956 y 1963.

Jefferson: "Ta mas peligroso semper castiga un culpable sin e formanan di Ley, cu lague sali liber".

Shakespeare: "Trata di no censura, pasobra nos tur ta pecador".

Albert Bakunas ta e stunt man cu a muri mientras cu e tabata filmando e pelicula "Steel" na año 1979, ora cu un saco di seguridad di plastic a rebenta despues cu el a cay ariba dje for di un altura di 342 pia for di un edificio na Kentucky.

Bo tabata sa cu Lucille Ball tabata e actriz cu a aparece ariba e cubierta di e prome revista TV Guide (April 3-9 1953)? El a aparece cu su yiu chiquito, Desiderio Arnaz IV.

Promer Ministro Eman enfrente expansion Americana

Cu paso sigur ta yena vacio cu Lago a laga atras

ORANJESTAD(AAN)—Tempo cu Gobierno a dicidi di bende Americana Hotel, critica pisa a worde ventila contra Gobierno, cu tabata worde confronta cu e gastonan alto cu e hotel tabata representa e tempo. E decision pa venta sinembargo a duna e resultado desea. Unda e criticanan a keda awor? Pregunta cu a worde lanza pa Promer Ministro Mr. Henny Eman, kende a mostra cu ta cu paso sigur ta yena e vacio cu ciere di Lago a laga atras.

E maneho di Gobierno ta crea y segura cuponan di trabao. E promer responsabilidad ta, pa pone hende na trabao despues di e crisis grandi. Promer Ministro Mr. Henny Eman ta tira un vista ariba e maneho cu Gobierno a estipula na inicio di e termino di gobernacion y ta mostra con un di e puntonan di e maneho aki tabata pa redobla industria turistico.

A cuminsa cu e objetivo pa redobla e cantidad di cambarnan disponible na hotelnan. Esaki tabata e parti mas dificil, ya cu e tabata rekeri inversionnan grandi, mientras cu ni inversionistanan local ni esnan extranhero tabata tin e confianza necesario pa inverti nan placa. Mester a haci hopi pa trece e cambio, manera Promer Ministro Eman a declara.

UN DECISION PA SALVAGUARDIA TRABAO

E promer mandatario a splica cu na cierto momento Gobierno a dicidi na forma determinante cu ta bende Hotel Americana na esnan cu tabata tin e placa pa compra, pero ademas por a mara nan mes na e condicion pa drecha e hotel. Tambe esnan cu kier a compra e hotel mester por a cumpli cu un obligacion di amplia e edificio cu facilidad pa 200 camber mas.

Seis luna pasa Gobierno a bende Americana Hotel. E condicion tabata cu den Seis luna di tempo mester a construi 200 camber

mas.

Un decision pa a salvaguardia trabao, empleo, di trahadornan y crea cuponan nobo di trabao, manera Promer Ministro Eman a splica.

El a mostra cu e ta contento cu e doñonan nobo di Americana por cumpli cu e condicion pa construi 200 camber mas den un tempo di 18 luna. Tur preparacion a worde haci pa asina por cuminsa cu construcion di e cambernan adicional.

Satisfecho Promer Ministro Eman tabata tambe cu e declaracion di e doñonan di Americana pa accele- ra construcion pa asina den un año mas e hotel por conta cu un ala nobo igual na esun di cual e ta consisti awor.

ESPACIO PA CONVENCION Y CONGRESONAN

Un punto cu Promer Ministro Eman a considera hopi importante, tabata e hecho cu e promer piso di e extension di Americana Hotel lo worde dedica completamente na convencion.


Ta asina, cu e doñonan di e hotel, a dicidi cu e promer piso mester bay acomoda facilidatnan especial pa convencion y congresonan. Esey lo haci cu e promer piso aki lo bira e centro mas grandi di congreso.

Pa Promer Ministro Eman e punto aki ta importante en vista di e hecho cu Gobierno kier desaroya e posibilidad cu convencionnan ta ofrece y e espacio aki ta bira uno sumamente adecuado.

El a mostra cu durante e ceremonianan cu a marca e construcion adicional, a worde participa cu lo cuminsa drecha e nivel di e hotel tanto paden como pafor.

Recapitulando pasado, Promer Ministro Eman a recorda con tempo cu tabata haci e tramitenan pa bende e hotel, hopi critica a worde lanza di parti di un grupo chikito di oposicion.

E venta a worde fuertemente critica, pero awor



cu e decision di Gobierno a conduci na exito, ta di lamenta cu ningun hende ta papia di esaki.

Promer Ministro Eman a bisa cu Gobierno a logra mantene e mayoria di trahadornan na trabao y no a pasa manera a socede den pasado cu Aruba Caribbean, cu a haci cu un cantidad grandi di tata di familia a keda ariba caya.

Awor a crea directamente y indirectamente 350 cupo nobo di trabao, mientras cu durante construcion tambe trabao lo worde habri.

PROYECTONAN TA WORDE DESAROYA

Promer Ministro Eman a mostra con poco poco e programa pa redobla e cantidad di cambarnan ta worde ejecuta.

Holiday Inn ta expande cu 200 camber. Playa Linda ta traha duro ariba expansion cu 170 units.

E barco cu ta trece material y equipo pa construcion di Hyatt ta na caminda y ta yega otro siman, mientras cu tambe pa material y equipo pa Ramada Inn Renaissance e barco ta na caminda.

Americana a cuminsa cu expansion y un pedida pa expansion di parti di Aruba Palm Beach ta worde studia pa departamentonan di Gobierno.

Meta Corporation ta na caminda di Staten y asina poco poco ta realiza e objetivo cu a worde poni dilanti.

Promer Ministro Eman a duna siguranza cu ta yena e vacio cu Lago a laga atras despues di ciere.